

Jacqueline Woodley (PPA) na Parlamento:

MEP a lanta Departamento di Mucha- y Hoben pa acomoda ex-miembro di partido

NO ta un secreto cu nos mucha- y hobennan ta hopi vulnerabel den e mundo avansa y tecnologico di awendia.

Aruba conoce su Departamento di Asuntonan Social, cu mester boga pa seguridad di noa muchanan. Sinembargo Gabinete Wever-Croes II a haya ta bon pa bin c'un departamento completamente nobo. Pa esaki, Departamentu di Mucha y Hoben a mira luz di dia.

Basa riba esaki, Jacqueline Woodley a manda algun pregunta pa Parlamento, tocante e derecho di existencia di e departamento aki.

PPA tin e siguiente preguntanan:

1. Con bin cu DMH por a habri su edificio dia 7 di november ultimo y cu cua placa? Ken a sponsor of a duna un subsidio na un departamento di gobierno? Y PPA ta puntra con esaki ta hinca den e landsbegroting di 2024 si e no ta gebudgeteerd? Ta placa adicional?
2. Con un entidad Gubernamental, a wordo lanta cu un instellingsbesluit desde 1 di october 2022. Con e proceso aki a bay y ken su iniciativa esaki tawata y a base di kico a tuma e decisionnan?
3. Dicon esaki no a wordo palabra den Parlamento na un manera transparente adhunto cu tur e documentonan? Kico ta e secresia ta te dia di awe? PPA ta puntra si esaki ta politica di MEP pa acomoda un miembro di partido, cuanto otro a wordo acomoda cu un departamento nobo?
4. Dicon Parlamento no a puntra con un departamento nobo ta cuadra den e Landspakket cu Aruba tin di ehecuta?
5. Dicon Parlamento cu ta consisti di parlamentarionan hoben, nobo y innovativo di Aruba no a cuestiona gobierno den Staten y con bin cu e departamento no por a resorta bou di Directie Sociale Zaken? Con esaki mester wordo mira si ta den e begroting 2024 ta para si DMH ta para pa continua un programa?
6. Dicon mester bin un departamento gubermental cu mester wordo lanta y central? Dicon e colaboracionnan no por a continua y ken a tuma un decision di cambia e maneho sin evalua esaki, of ta politica barata?
7. Unda tur e documentonan ta? Raad van Advies, DWJZ, CAft a duna conseho?
8. Kico t'e 'advies' di DRH, ya cu tin hopi vacatura habri te ainda, y dicon e personal no por a yena e otro vacaturanan habri riba tereno social pa traha hunto? Ta kico e advies di DRH ta pa por a traha riba e "instellingsbesluit" asina? Paso ainda tin hopi vacatura habri. Unda DRH a keda y a duna



advies pa yuda otro departamentonan cu nan vacaturanan cu te ainda ta habri? Ken a traha y a acorda e organograma y bou di ken e ta resorta?

9. PPA ta yama gobierno a base di ley Openbaar Bestuur pa muestra pueblo tur e documentonan. PPA ta para pa transparencia y integridad di decision.

10. Con bin cu e profesionalnan den e sector social y medico mes ta bisa diripiente DMH tawata t'ey y a base di ki mandato? Dicon nan no a wordo consulta y tampoco si ta necesario pa tin un departamento nobo?

11. Ken ta evalua DMH y si ta DRH, na ki manera ta haci esaki? Ta ken su responsabilidad e entidad aki ta y kico ta e decisionnan tuma?

12. Elogio mester ta pa e trabou di e profesionalnan di tur e otro departamentonan cu ta haci e trabou di nan cinco posibel.

A base di esaki PPA ta kere cu e maneho di mucha- y nos hobennan mester ta uno mas efectivo pero no tin necesidad di lanta un departamento di mas si e por a keda den un manera efectivo y eficiente como parti di un Directie di Sociale Zaken (cu tawata guia Social-Crisisplan) of bou di mandato di Directie Volksgezondheid.

Manera anterior ta stipula (basa riba nan mandato pa guia tur mucha). Tambe PPA ta kere den un cooperacion intensivo di profesionalnan den un Landsbesluit cu tambe ta hancra unda e supervision integral di crèche tawata ta den plannan anterior. DMH no por drenta den un area medico preventivo sin mandato y e experticio necesario.

Un evaluacion profundo mester wordo haci y kico e consecuencianan lo ta riba termino largo. Parlamento ta drumi desde 2022?

PPA ta cuestiona:

Transparencia di establecimiento di DMH enberdad ta politica barata?

PPA a tuma nota di e articulo publica den AWEMainta cu e titular: “Exclusion di experto y falta di establecimiento di DMH,” riba dia 11 di november. PPA ta tuma nota cu ningun parlamentario tampoco a reacciona riba e critica duna den e articulo.

Tambe PPA a papia cu diferente profesional den sector di mucha y hoben cu a expresa nan malcontento y e falta di respet con nan experticio no a wordo reconoci pa Gobierno, poni un banda y exclui. PPA por conclui despues di palabracion intensivo cu e motor tras di e iniciativanan aki ta bin di e colaboracion di e diferente profesionalnan mes y esey mester wordo respeta. Nan no tin derecho di wordo exclui sin duna respet.

Manera e ley di creche ta un iniciativa di experto di diferente directiva: enseñansa, asunto social, husticia y departamento di salubridad publico, Inspectie y FPNM. Un ley cu mester a wordo trata prome cu 2022 na aña 2018. Gobierno mes a hunga e cambio di portfolio bou di diferente e ministernan anterior cu tabata responsabel pa trata e ley aki adecuadamente.

E accionnan di Tratamento Internacional di Derecho di Mucha ta angra den un comision cu un Ministriële Beschikking desde 2001, cu ta consisti di experto y e directornan di CBS, Buitenlandse Zaken, DVG, Sociale Zaken y Onderwijs, Bureau Sostenemi, Directie Voogdijraad, cu recien a wordo elogia pa nan trabou durante e evaluacion internacional tocante Convenio di tratamiento di Mucha cu ta tuma luga cada dos aña.

Pa DMH den landsbegroting 2023 y 2024 ta solamente para como focus y implementacion: Ley di creche y tambe codigo di proteccion y e training di e leidsternan di crèche. No henter e proceso di Derecho di mucha manera ta para den e articulo.

Intervencion trempan ta wordo haci p’e experto y e dokternan di DVG cu ta traha cu WGK y nan sistema ta ainda desde 107 aña pasa na Aruba pa monitor tur mucha na Aruba. Con DMH por claim cu ta nan a yuda un mucha cu intervencion trempan y mayor si e muchanan tambe mester bay obligatorio na WGK y tambe e dokternan di DVG nan wordo guia adecuadamente?



Dicon nan no a scoge pa bira parti di un team existente y reinforsa cu otro?

DMH no tin e mandato pa mira tur casi 25 mil mucha riba e tereno integral psico-social y medico? Nan no tin e experticio y nan no ta “medisch bevoegd” pa haci esey tampoco? Kico ta para den nan “instellingsbesluit” tocante e parti aki y nan “bevoegdheid” pa haci algo asina?

E ley di Volksgezondheid ta keda ta parti di DVG cu nan expertonan psico-social y medico pa monitoria mucha y hoben adecuadamente. PPA mes lo bin cu un “kwaliteitsinstituut” (Instituto di Calidad), pa controla y monitor loke ta pasando den veld.

Tambe e registro nacional di creche tabata cerca FPNM. Dicon esey a cambia pa DMH cu diripiente un colaboracion no por ta posibel cu un Fundacion cu un experiencia extensivo di mas cu 20 aña largo?

Tin hopi bruhamiento cu un departamento cu djis a wordo lanta sin vision, sin cu a wordo comunica of consulta cu e profesionalnan y tur e directivanan concerni y sin evaluacion.

No por ta posibel cu un departamento djis ta wordo lanta y gedrop p'e profesionalnan social y den ramo medico concerni sin consulta nan tambe, pa traha obligatorio cu un departamento sin cu ta claro dicon y (pa)kico nan ta haci. Dicon no a scoge pa traha hunto enbes di un departamento nobo? Gobierno tin cu aclaria esey debidamente. Unda e respet a keda den esaki? Unda e respet a keda pa djis cambia cos cu te ainda ta efectivo ainda?

Corte ta mira?

1. PPA kier puntra a base di bon gobernacion y transparencia y tin di splica con DMH a wordo ehecuta.

2. PPA ta cuestiona con bin cu DMH por a habri su edificio 7 november ultimo y cu cua placa? Ken a sponsor of a duna un subsidio na un departamento di gobierno? Y PPA ta puntra con esaki ta hinca den e landsbegroting di 2024 si e no ta presupuesta? Ta placa adicional?

3. Con un entidad gubernamental a wordo lanta cu un instellingsbesluit desde dia prome di october 2022. Con e proceso aki a bay y ken su iniciativa esaki tabata y con e decisionnan tabata?

4. Dicon esaki no a wordo palabra den Parlamento riba un manera transparente adhunto cu tur e documentonan? Kico e secresia aki ta te dia di awe? PPA ta puntra si esaki ta politica di MEP pa acomoda un miembro di Partido? Cuanto otro a wordo acomoda cu un departamento nobo?

5. Dicon Parlamento no a puntra con un departamento nobo ta cuadra den e landspakket cu Aruba tin di ehecuta?

6. Dicon parlamento ta consisti di parlamentario hoben, nobo y innovativo di Aruba no a cuestiona gobierno den Staten y con bin cu e departamento no por a keda bou di Directie Sociale Zaken? Con esaki mester wordo mira si ta den e begroting 2024 ta para si DMH ta para pa continua un programa?

7. Dicon mester bin un departamento gubernamental cu mester wordo lanta y central? Dicon e colaboracion no por a sigui traha y ken a tuma un decision di cambia e maneho sin evalua esaki, of ta politica barata?

8. Unda tur e documentonan ta? Raad van Advies a duna di conseho, DWJZ, CAFT tambe? Pasobra Raad van Advies tambe a cuestiona gobierno si un entidad asina ta necesario.

Tambe Raad van Advies a puntra den su advies pa landsbegroting 2024 kico e maneho y motivacion exactamente ta unda ta papia tambe di aumento di placa pa Sociale Zaken di 15 miyon florin?

9. Kico DRH a avisa, ya cu tin hopi vacatura habri te ainda y dicon e personal no por a yena e otro vacaturanan social habri pa traha hunto? Ta kico e advies di DRH ta pa por a traha riba e "instellingsbesluit" asina, pasobra tin ainda hopi vacatura habri? Unda DRH a keda y a duna advies pa yuda e otro departamentonan cu nan vacaturanan cu te ainda ta habri? Ken a traha y a accorda e organogram y bou di ken e ta resorta?

10. PPA ta yama gobierno a base di ley Openbaar Bestuur pa muestra pueblo tur e documentonan. PPA ta para pa transparencia y integridad di decision.

11. Con bin cu e profesional den e sector social y medico mes ta bisa diripiente DMH tabat'ey y a base di ki mandato? Dicon nan no a wordo consulta tampoco si ta necesario pa tin un departamento nobo?

12. Ken ta evalua DMH y con DRH y bou ken su responsabilidad e entidad aki ta, bou di Directie Sociale Zaken of no, y kico t'e decisionnan tuma?

13. Elogio mester ta p'e trabou di e profesionalnan di tur e otro departamentonan cu ta haci e trabou di nan 5 posibel.

A base di esaki PPA ta kere cu e maneho di mucha y nos hobennan mester ta uno mas efectivo, pero no tin mester di lanta un departamento di mas si e por a keda den un manera efectivo y eficiente como parti di un Directie di Sociale Zaken (cu tabata guia social crisisplan) of bou di mandato di Directie Volksgezondheid.

Manera anterior ta stipula (basa riba nan mandato pa guia tur mucha y tambe PPA ta kere den un cooperacion intensivo di profesional den un landsbesluit cu tambe ta ancla unda e supervision integral di creche tabata ta den e plannan anterior.

DMH no por drenta den un area medico preventivo sin mandato y experticio mas. Un evaluacion profundo mester wordo haci y kico e consecuencianan lo ta a largo plaso. Ta Parlamento a drumi desde 2022?

Bo sirbido publico
Jacqueline V. Woodley
Candidato #16 riba lista di PPA

Jaqueline Woodley, Candidato #16 di PPA: Combati corrupcion cu ley na ordo sin tardansa ni uza excuus di Pandemia

DIA 6 di december lo t'e momento historico atrobe pa Aruba conoce un gobierno di PPA, caminda e principionan di integridad, moralidad, dignidad y transparencia ta bay conta! Gobierno cu PPA bek na mando, un Partido cu semper a buta pueblo prome. PPA tin e vision y mandato pa combati pobreza, para pa nos adultonan mayor y nos muchanan y tambe para cu nos profesionalnan, lo wordo respeta den nan capacidad. Nos kier un pais sigur y honesto y husto den tur su retonan.

Ora un cas ta borota bo tin di drech'e. Bo no por ehecuta sostenibilidad sin por ehecuta e leynan na ordo. Con pa combati corrupcion sin tin e leynan na ordo cu un parlamento por uza pa controla gobierno y hisa nivel di integridad. Con pa controla y cuestiona gobierno sin tin cuenta anual den e dos etapanan di gobernacion. Esaki nunca PPA a para p'e den su historia, pa no duna cuenta debidamente.

No ta ora tin crisis so e ora nos sa kico pa haci. Esey PPA no kier pa pasa mas. Den un gobierno y un parlamento cu ta haci nan trabou manera debe ser, mester tin diferente iniciativa di ley nobo, pero tambe mester tin enfoca riba e leynan cu a caduca y con pa protega y con por duna cuenta. Tambe con DWJZ a scoge y responsabilisa su mes y monitor esaki y controla pa duna cuenta. Pasobra hopi di e leynan ta den lachi ainda for di dia e gobierno aki a drenta na mando.

Ki ley y ainda no tin vision duradero manera PPA su maneho y vision lo ta!

1. Enseñansa: Manera e leynan di enseñansa p'e docentenan cu ainda mester wordo revisa y implementa.

2.Codigo di Proteccion: Nos tambe ta papia hopi tocante Codigo di Proteccion pa mucha y e mayornan concerni. Awo PPA tambe ta muestra cu un vision ainda falta pa protégela cu nos muchanan riba termino largo. Nos Codigo di Proteccion den trahamento multisectoral pa mucha cu a wordo

ELEVA durante e Social Crisisplan ainda no tin ley despues di 2025 pa nan entrenador y supervisornan di tur sector social y cuida pa keda proteha e muchanan den nan vulnerabilidad contra abuso. A nombra supervisor y trainers nan pa 2 año so. Con esey por ta duradero den un vision y tambe cu incertidumbre pa esunnan cu a wordo getraind? Kico lo pasa despues. PPA no ta traha so cu un vision pa 2 año, pero pa 25 año. No tin vision: Atrobe PPA ta indica cu DMH a wordo institui no na un manera transparente unda por papia di bon gobernacion caminda cu e Codigo di Proteccion ta wordo coordina.

3. Un Codigo pa nos adultonan y proteccion di nos adultonan mayor: PPA kier enfoca riba calidad di cuida pero tambe ekipa nos profesionalnan debidamente y mehora e infraestructura di cuida di e adulto mayor cu e partnernan di husticia, salubridad publico y asunto social. Pasobra si nos papia di maltrato fisico y mental, tambe di no tin cuida accesibel of horta cuenta bancario di un adulto mayor of e maltrato ora di Alzheimer ta na porta, e adulto mayor ta actua otro. Ainda nos no tin ley adecua pa esaki. Unda gobierno y specialmente e parlamentarionan a keda, unda nan iniciativa p'e leynan aki a keda? PPA ta bin cu un solucion duradero pa nos adulto mayor, pa mayornan wordo protega cu un cuida accesibel, pagabel y un aumento di nan pensioen.

4. Entrega un cuenta anual na tempo pa duna cuenta sin uzo di excuus di Pandemia of di landspakket: Un gobernacion nunca ta posibel si no tin ley actual cu ta toca nos salubridad, enseñansa y husticia y asunto social completo. Falta di cuenta anual n'e entidadnan di gobierno manera DVG y Sociale Zaken.

5. E leynan di salubridad publico a caduca na 2017. Con DVG ta protega y maneha sin ley na ordo pa protega salud publico di mucha y adulto y nos profesionalnan cu nan partnernan involvi. E leynan pa contribui na un bida mas saludabel riba



termino largo, con pa actua y proteha nos. Henter ora nos ta papia di pandemia aki y pandemia aya y malesanen cronico cu lo bin. Pero dicon nunca a revisa, evalua e leynan y ekiponan durante gobernacion. Ta un iniciativa so a wordo trata. Nos ta papia di proteccion di nos salud.

6. Tambe e parlamentarionan nobo visionario a laga di desea.

Gobierno y parlamento mester tin e bon voluntad pa para responsabel y duna cuenta tambe riba e rol pa por controla. Unda tur e leynan a keda? Con un gobierno por para pa transparencia y integridad den nan conducta.

PPA a indica den su programa di bon gobernacion, cu nan kier pa gobierno wordo ehecuta debidamente. No ta un Minister so mester ta responsabel pa su maneho, pero tambe e director- y/of e team di maneho concerni.

PPA ta para pa bon gobernacion. Nos tin e deber di haci nos trabou husto y no solamente riba e motibonan politico, manera scoge e ley ey si, of e ley ey no of djis pa motibo politico, manera saca decreto Ministerial of traha Landsbesluit sin trata nan transparente den parlamento. Nos mester tin un sistema na ordo pa controla, tin e cuadronan necesario na ordo pa por responsabilisa nos mes, protega nos profesionalnan ora nan tin di traha y buta e pueblo, nos muchanan y nos adultonan prome.

Stima Aruba, stima bo mes, stima PPA, vota PPA

Bo candidato #16. Jacqueline Woodley